



## KOMUNIKADU DE-IMPREZA HADO'OK A'AN HUSI ESKEMA HAHALOK BOSOK (SCAM)

Banco Central de Timor-Leste (BCTL) hakarak hato'o ba públuku katak agora dadaun iha media komunikasaun sosial liu-liu email, facebook, WhatsApps, Instragram ka seluk tan mak hato'o mensajen direta ba Ita-Bo'ot sira nia númeru telefone ho liafuan oin-oin ne'ebé mak promete atu fó osan/investe/karidade/hetan prémiu ho montante bo'ot husi ema ka kompañia iha rai liur.

Lalaok atu hetan osan refere mak uluk nanain ita tenki haruka dahuluk osan balun ba sira ho razaun oin-oin. Hafoin ne'e, sira nafatin husu ho razaun seluk atu nune'e bele haruka tan osan ba sira to'o bainhira ita rasik nota katak ne'e hahalok bosok (*scam*) maibe osan ne'ebé promete atu transfere ba ita-bo'ot sira hanesan bosok deit. Sira ninia objetivu atu buka vitima ne'ebé mak laiha koñesimentu klean atu nune'e sira bele bosok ka lohi, no sei halo ita-bo'ot sira sai vitima no sei lakon osan.

Ho nune'e BCTL alerta ba públuku tomak hodi **labele haruka osan ba ema ka kompañia ne'ebé deit mak la-koñese no labele hato'o Informasaun pesoál hanesan kartaun identifikasaun, númeru konta bankária, PIN ATM no informasaun seluk tan ba ema ka kompañia ne'ebé deit mak la-koñese**. Bainhira halo'o transferênsia osan tenki fo Informasaun lolos no klaru atu nune'e bele hases a'an husi eskema hahalok bosok/(Scam) atu nune'e labele fo risku ba Ita nia a'an rasik.

Haktuir iha 5.j) no artigu 31 Lei N° 5/2011 Juñu 15, kona-ba Lei Orgâniku Banku Sentrál Timor-Leste nian ne'ebé fó responsável eskruzivu ba BCTL hodi regula, lisensa, rejistu no supervizaun ba atividade finanseira iha Timor-Leste hodi fó protesasaun máximu ba interese públuku.

Atu proteje públuku husi risku eskema hahalok bosok/(*scam*), husu atu públuku halo vijilansia ba informasaun hirak hanesan tuir mai:

- Labele fiar lalais no tenke kuidadu a'an didiak bainhira halo kontaktu/komunikasaun ho ema ne'ebé ita-bo'ot sira la koñese liuhusi média komunikasaun.
- Tenke lalais blokea númeru privadu ne'ebé la-koñese ne'ebe promete atu fo osan.
- Tenki deklarar lolos bainhira halo'o transferênsia osan ruma, atu nune'e bele minimiza Ita husi risku atu sai vitima ba eskema hahalok bosok/(*scam*)
- Evita transfere osan ba individuu ka kompañia ne'ebé ninia perfil no legalidade sei dúvida.
- Evita fo informasaun pesoal hanesan kartaun identifikasaun, numeru konta bankária, PIN ATM no informasaun seluk ba eskema hahalok bosok/(*scam*) tamba sira sei uza ba sira ninia interese, no
- Hakbesik a'an ba autoridade kompetente bainhira hetan ameasa ka lakon osan relasaun ho eskema refere.

Karik persiza informasaun adisionál, favór bele kontaktu **Divisaun Lisensiamentu no Regulasaun (DLR)**, BCTL nian liu husi númeru telemovél +670 77230971 iha oras servisu nian (Segunda to'o Sexta) ou liu husi email: [dsflicesing@bancocentral.tl](mailto:dsflicesing@bancocentral.tl).

Dili, Ioron 27 fulan Jullu tinan 2022

**DIVISAUN LISENSIAMENTU NO REGULASAUN  
DEPARTAMENTU SUPERVIZAUN SISTEMA FINANSEIRA  
BANCO CENTRAL DE TIMOR-LESTE**